

Bahan asal dari Arkib  
Negara Malaysia



## Rumah untuk Tun Hussein tanda jasa dikenang

■ INILAH rumah yang dihadiahkan oleh kerajaan kepada bekas Perdana Menteri Tun Hussein Onn yang bersara kelmarin sebagai mengenang jasanya kepada negara.

Rumah ini dulunya didiami oleh bekas Datuk Bandar Kuala Lumpur terletak di belakang bangunan Parlimen, Kuala Lumpur.

Kerja-kerja sedang giatkan dijalankan untuk memperbaiki dan

mengubahsuaikan rumah tersebut supaya lebih selesa didiami oleh seorang pemimpin negara yang ulung bersama keluarganya.

Selain rumah ini, Tun Hussein juga layak mendapat sebuah kereta dan pemandu, seorang setiausaha, seorang pengawal peribadi, beberapa orang pembantu rumah dan tukang kebun.—Gambar Berita Harian.

## Iraq dijemput berunding

PARIS, Jumaat — Menteri Luar Claude Cheysson berkata semalam Iraq 'dijemput dengan segala ikhlas' berunding dengan Perancis mengenai pembinaan semula reaktor nuklear yang musnah dalam pengeboman Israel.

Tetapi, katanya, rundangan itu tidak akan melibatkan pembekalan uranium yang boleh diguna untuk membuat senjata nuklear.

"Wakil-wakil Iraq sentiasa dijemput ke Perancis jika mereka ingin berunding mengenai pembinaan semula reaktor nuklear," katanya.

Encik Cheysson berkata Iraq masih belum mengemukakan hasratnya kepada Perancis walaupun Arab Saudi pernah menawarkan bantuan kewangan untuk tujuan itu. — UPI.